

HÄÄ LAULJA'!

Tühi kott ei saisa pistü, eskinä mitte pidopääväl ☺. Allpuul om teedüs kõtu täitmise võimaluisi kottalõ Kubijal pidopääväl 2. juunil 2018.

KÕIGILÕ

Muidoki omma' Kubijal valla erinevä' müügileti', kost saa vabalt osta lämmind süüki ja saiakõisi, vurdsujuukõ, kohvi jms. Ollõkõst jms nõrga kraadiga juuki saa kah osta – seo om söögist veidü' eräle, a mitte kavvõl.

LATSILÕ

Kõigilõ latsilõ, säälhulgan kuulõ segäkuurõ lauljilõ ni latsi saatjilõ, om süük teno tugõjilõ ilma rahalda. Latsi söögi tege valmis Best Catering OÜ ni umma kraami annõtasõ Lõuna Pagarid, Väraska Vesi, Arke Lihatööstus ja Nopri Talumeierei ja rahaga tugõva' Põlvamaa umavalitsüisi liit ja SA Võrumaa arenduskeskus.

Menüün omma' kardohka', suust, grillvorst, kananagitsa', salat, leib-sai, päälekauba lätt kilekotiga ütten jogurt, saiakõnõ ja harilik mullilda vesi.

Süük om küländ kimmäs – ku saami latsõ' tõisist müügilettest kõrvalõ hoita (kõrraldaja üritäse' seod tahtmist pääväkavaga tukõ'), sõs ei piässi pido näide (ja vanõmbidõ) kulurahale halvastõ mõoma.

Talongi' saa kuur kätte pidopäävä hummogu. Et talongõ ja süüjide arv klapnu, pallõmi latsikuurõl paar nädälit inne pito tulõjidõ arvu viil üle täpsüstädä. Tulõtami seod teile viil edespidi miilde.

TÄÜSKASUNUILÕ

Lisas müügilette pääl pakutavalõ saa soovi kõrral telli talongisüüki. Tuud pakk Jaagumäe Kaubanduse OÜ. Talongisöögi eelis om, et teenendäjä saa söögi kipõmbalt ja lihtsämbähe vällä anda, kuna kotussõ pääl arvõldama ei piä' ni erinevide pottõ-pannega mässämist ei olõ'.

Menüün omma keedetü pariisikartoli, väikse' kotleti' tsialihast, väikse' šnitsli' kanalihast, lämmi rõõsakoorõ-juustusuust, värskikapsta-kurgi-tillisalat, leevä ja saiavalik, kohuke ja vesi. Hind ütele inemisele: 4,00 eurot.

Talongsöögi tahtjil pallõmi õkva ühendüst võtta söögi pakjaga: taimar@jaagumae.ee – Taimar Timmi, tel 5063338. Seo aadrõssi pääle pallõmi kõgõ ildamb 17. mais teedä anda' ti koori nimi ni süüjide arv, no ka arvõ massja, meiliaadrõss ni kontaktinimine. Kuur saa talongi' kätte pidopäävä hummogu.

Söögikõrraldõsõga köüdetü küsumüisile vastas kõrraldajidõ puult Egle Vodi: egle.vodi@gmail.com, tel 516 6684.

11. aprillikuu pääväl 2018

Terviten kõigi pido kõrraldajidõ nimel,
Merike Tigas
Uma Pido projektipäälük
Tel 56916280